

**KERATAN AKHBAR-AKHBAR TEMPATAN  
TARIKH: 04 SEPTEMBER 2013 (RABU)**

<b>Bil</b>	<b>Tajuk</b>	<b>Akhbar</b>
1	Malaysia boleh perbaiki kedudukan indeks inovasi	Utusan Malaysia
2	Standards Malaysia mahu lebih ramai IKS patuhi keperluan Malaysia Standards	Bernamea.com
3	IKS perlu patuhi Malaysia Standards	Utusan Malaysia
4	Malaysia to launch national palm oil standard next year	The Sun
5	Tearful appeal for son's death cert	The Star
6	Woman wants son's death cert	The Sun
7	Jabatan Meteorologi sahkan angin kuat pada hari kejadian	Sinar Harian
8	Jabatan Meteorologi sahkan angin kencang sebabkan penebat kilat runtuh	Utusan Malaysia
9	Hujan lebat, angin kencang sebab penebat kilat runtuh - Loh	Bernamea.com
10	Rainfall in Sumatra dauses hotspots	The Star
11	Roket air 'teroka' ruang angkasa	Berita Harian
12	SIRIM anjur sidang kemuncak kualiti Nasional 2013	Bernamea.com
13	More 'green' transport	The Malay Mail

**KERATAN AKHBAR**  
**UTUSAN MALAYSIA (DALAM NEGERI) : MUKA SURAT 20**  
**TARIKH : 04 SEPTEMBER 2013 (RABU)**

## Malaysia boleh perbaiki kedudukan indeks inovasi

KUALA LUMPUR 3 Sept. - Malaysia kini berada di kedudukan ke-32 di antara 144 buah negara mengikut Indeks Inovasi Global, hasil daripada pelbagai inisiatif yang dijalankan oleh semua pihak.

Menteri Sains, Teknologi dan Inovasi, Datuk Dr. Ewon Ebin berkata, antara usaha yang boleh dilakukan bagi mengukuhkan kedudukan itu ialah syarikat perniagaan perlu mengguna pakai prinsip kualiti yang relevan dengan perubahan landskap perniagaan semasa.

“Untuk perniagaan mencapai kecemerlangan kualiti, mereka perlu mempunyai formula tersendiri untuk berjaya,” katanya dalam majlis perasmian Sidang Kemuncak Kualiti Kebangsaan 2013 di sini hari ini.

Teks ucapan beliau dibacakan oleh Ketua Setiausaha Kementerian Sains, Teknologi dan Inovasi, Datuk Dr. Rosli Mohamed.

Dalam pada itu, Ewon berkata, mengikut Indeks Persaingan Global pula,

Malaysia berada di tangga ke-25 di antara 144 buah negara.

“Sehubungan itu, katanya organisasi atau perniagaan perlu bersaing dengan lebih agresif apabila menjual produk atau memberi perkhidmatan kepada pengguna dengan harga berpatutan,” ujarnya.

Sidang Kemuncak Kualiti Kebangsaan 2013 yang bertemakan ‘Peningkatan Kualiti Untuk Pengguna Global’ itu dianjurkan oleh SIRIM Berhad (SIRIM) yang bertujuan membincangkan

tentang kepentingan kualiti kepada pengguna global dan organisasi untuk meningkatkan daya saing dalam pasaran global.

Lebih daripada 150 peserta terdiri daripada Ketua Pegawai Eksekutif, pengarah syarikat, ketua jabatan, perunding dan pengamal kualiti menyertai persidangan itu.

Ewon berharap persidangan itu akan menjadi pentas untuk pertukaran pendapat tentang kualiti dan meningkatkan inovasi agar negara sentiasa dapat bersaing.

Sementara itu, Presiden dan Ketua Eksekutif SIRIM Berhad, **Dr. Zainal Abidin Mohd. Yusof** berkata, banyak program yang telah dijayakan SIRIM dalam usaha mereka untuk memberi kesedaran kepada pengguna tentang kualiti.

“Kualiti seharusnya difahami oleh setiap pengguna agar lebih faham tentang kualiti supaya mereka mendapat kepuasan maksimum terhadap barangan yang akan diguna,” ujarnya.



**EWON EBIN**



## Standards Malaysia Mahu Lebih Ramai IKS Patuhi Keperluan Malaysian Standards



Oleh Norsyafawati Ab Wahab

CYBERJAYA, 3 Sept (Bernama) -- **Jabatan Standards Malaysia (Standards Malaysia)** mahu lebih banyak usahawan industri kecil dan sederhana (IKS) mematuhi keperluan Malaysian Standards (MS) bagi memastikan produk mereka mampu bersaing di pasaran terbuka.

Menerusi Program Pematuhan Standard Nasional yang bakal dilancarkan pada Oktober ini, Standard Malaysia berhasrat untuk memastikan kualiti produk tempatan bukan sahaja ditingkatkan tetapi juga kebolehan dan produktiviti industri tersebut dimantapkan lagi.

**Ketua Pengarahnya Fadilah Baharin** berkata tujuan setiap IKS mempunyai MS bagi setiap produk yang dikeluarkan adalah juga untuk memastikan produk keluaran tempatan mampu mempunyai nilai tambah berbanding produk lain dari luar negara.

"Untuk fasa pertama (2013-2014) bagi program tersebut kami akan bekerjasama dengan SME Corp Malaysia untuk berhubung secara terus dengan pengusaha IKS," katanya sambil menambah jabatan itu berhasrat untuk mengembangkan program tersebut ke agensi-agensi lain pada masa hadapan.

